

Allyn bezvungene ant-

wort vber eynen Sendtbrieff/eyner

Closter nunnen/an jr Schwester im Welichē

standt zūgeschickt/ darin sy jr vil ver

gebner vnnützer sorg fürhelt/vñ

ire gaisliche weißhait vñ

gemalte hayligkait

zū menschl-

chem ge

sicht auffmuet.



K
A

gen mō
ster/der
des me
schesu
ren kin
herzig
ganzen
gnad v
Jar/v
ben an
meyne
Prorin
zū meld
mir hō
als ob i
fang m
bend ai
mein m
tain and
gereft / s
liebe vñ

Der herz Jesus mit der
gnad des hailigē gaysts seines göt
lichen mundts/der verleyhe dir vñ
vns allen/durch sein güttige barm
herzigkait gnad/vnd ainen rainen
verstandt/in seinem hayligen ewi
gen wort/dar durch wir alle erlan

gen mögen die ewige sälligkait. Amē. Hertz liebe schwe
ster/dein schreiben an mich gethan/auf dem verstandt
des menschlichen gaysts/der yetz bey dir wonet/wüns
shestu mir/meinē Hauswirt/vñ kindern/dz newgebo
ren kindlein in 8 krippen/dz voller miltigkait vñ barm
herzigkait ist/gegen allen denen/die zū jm fliehend mit
ganzem vertrauen/zū erlangen seine grosse gabe vnd
gnad vō jm aufliessend zū ainē gütten newen sälligen
Jar/vñ darzū dein arms gebet zc. Also lawt dein schri
ben anfangs/mit andern merworten zūbegeren vō got
meynes wolmögens mit deiner würdigen mütter der
Priorin/vñ des gāzen Conuēts zc. on not nach 8 leng
zū melden/ye doch meldest/du wöltest gern etwas vō
mir hörē/vñ beschwārest dich fast das ich dir nit schreib
als ob ich dein gar vergessen hab/vñ beschleüst den an
fang mit dem/dein würdige mütter Priorin/vñ du/has
send ain grosse anfechtung/vnd fürchten feer/ich vnd
mein mā seyend Lutherisch. Liebe schwester/so du dan
kein ander anfechtūg hast/vñ ain schreibūg vō mir bes
gerest/soltu gewert sein als billich auf schwesterlicher
liebe vñ trew/Got verleyhe mir gnad/das ich als ain

vngelert mensch in Clösterlichem verstandt / dir möge
antwort auff dein Begeren geben / da durch du vñ dein
würdige mütter Priorin / vñ der gätz Cöuent / die sölich
sorg für vns habend / ain gefallen tragend. Vnd vō er-
sten sag ich dir fleissigen danck vō got züerwerbē / auß
gätzem hertzē / des new geborenen kindleins in der krippē
das du mir zü ainem neuen jar wünschst / wie wol du
jm kainen namē gibst. So du aber meldest dar bey / es
sei voller gnad / miltigkait / vñ barmhertzigkait / vñ sind
seine gaben vberflüssig groß. So erken ich erst / das es
Jesus Christus vnser erlöser vñ seligmacher müß sein /
So es dann der selbig ist / als auch nit selen mag / so er
kennest du in auch freylich darfür / das er allain Gott ist /
das er allayn der erlöser ist / das er allayn barmhertzig
vñ güttig ist / vñ das er allain allen denen helfen will /
die zü jm fliehend / vñ jm allain vertrauent vō gätzem
hertzen. Also meldest du vnd bekennst in deinem schreibē
darzū will ich dir deine wort in deiner bekantnuß helfē
bestetten. Der herz spricht Matth. xj. Rhoment zü mir
alle die beschwert seind / ich will euch erquickē. Da rüft
er vns / vñ fordert vns ab / vō dē schwärē joch / darumb
wir lāg gezogen habē / vñ darin beschwärt gewest sind.
Auch spricht got durch dē Prophetē Esai. xliij. Ich bin
allain der dir helfen kan / vñ on mich ist kainer. Er sprit
cht auch / allain vmb meinet willen will ichs thun / vnd
sonst durch niemāts willē. Christus spricht auch weit-
ter. Ich bin der weg / das leben / vnd die warhait. Nie-
mand kumpt zum vatter / dan allain durch mich. Joā.
xiiij. Darüb liebe Schwester / so vermerckstu hie bey / woz

mein mann
lich / Petri
oder Gebet
trager / dē
sten / vñ w
bleiben v
namē get
licher ged
Clösterle
mit schrei
kant vñ v
vō dir / be
erber gesa
stendigen
vatter vñ
men / die
Sag mi
vns in d
wir vnser
vns für / s
nit mer. J
wort ist v
standt / d
seind / de
die gnad
mich nit
das ich n
der Luth
etwas fa

mein man vñ ich für lewt seind/ ob wir Luthrisch/ Pau
lisch/ Petrisc/ Apostlisch/ Hussisch/ Cabilianisch/ gelff
oder Gebelinisch seind. Christus ist vnser namens für
trager/ dē haissen wir nach/ als Christen/ vñ seind Chri
sten/ vñ wöllen mit der hilff vnd gnad gottes Christen
bleyben vñ sterbē/ dan wir seind alle in seinem hailigen
namē getaufft. Hertz liebe Schwester/ was wunderbar
licher gedancken vnd selzamer fantaseyen prauchent jr
Closterlewt yetz gegen menigklichē auf den Clöstern/
mit schreiben vnd züentpieten/ gegen denen/ die euch be
kant vñ verwandt seind/ es geschicht mit allayn/ als hie
vō dir/ besonder auf vil Clöstern/ an menche örter/ an
erber geschickt gotf fürchtig frumē/ vñ darzū gegē ver
stendigen lewte/ vñ vō etlichen jungen an ire eltern/ als
vatter vñ mütter/ habt jr sorg/ wir seyen vō synnen kō
men/ die wir Christum Jesum nit mer kōnnen nennen.
Sag mir liebe Schwester/ in welchs namē empfacht mā
vns in die welt in der geburt/ oder in welche namē thū
wir vnser gelübt in tauff/ oder welche namē helt man
vns für/ so wir sterbē sollen. Maynstu wir kenne gott
nit mer. Das ist layder wol war/ got in seinē hayligen
wort ist vns lang verborgen gewesen mit dē rechtē ver
standt/ dar durch wir alle lange in grosser sünd gelegē
seind / der ist vns kürzlich wider offēbar wordē durch
die gnad gottes. Du schreibst mir auch weitter/ ich soll
mich nit an die falsche Lutherische leer keren/ hastu sorg
das ich mich ain falschē lerer las vweisen/ vñ wan mich
der Luther od sant Peter mit allen zwölff poten wöllt
etwas falschs wider dz wort gotf lerē/ warüb wölt ich

im volgen/als dan Paul.zum Gal.j.sagt. Ob ain engel
vō hymel/ oder ich selbs euch etwas anders wōlt leren
dan dz euangeli/dz vor vō vns geprediget ist/so soll es
ain fluch sein. Deute. xiiij. steet. Ob der Prophet/das ist
der Prediger auff stat/vnd sagt seinen trawm/dz seind
seine geltgeyrtige ertichte wort/so weycht vō im ab/hō
ret in nit. Dyser Trawmprediger soll vō euch erschla-
gen/oder versteinigt werde. Hastu nit obē gehōrt/wel-
chen ich dir anzaig/zū dē wir fliehen sollē/den du selbs/
als yetz ain kindlein im krippelein erkēnest/vnd lereest vns
selbs zū im zūfliehen. Wem ward er am ersten im krip-
pelein angezaigt/vn verraten? fürwar den armen herttē
auff dē feld/vnd warūß aber nit als mer/den Closter-
frawen vn Nunnen/oder Herodes vn Cayphas wey-
bern/oder der Phariseer tōchtern zū Jerusale/die hettē
im villedicht seydene kisselein vn hemetlein gemacht/dz
er nit hett bedürffen also im hōw ligen. Er ist auch im
krippelein nit hayngesucht wordē/weder vō Herodes/
Anas/Cayphas/Bischoff/oder Cardinal/Münchē/
oder Nolhart/vn ist noch vor in verborgen/das sy in
nit findē wōllend. Wer findt in aber dan. Den hertten
zaygt er sich an/die findend in yetzunder wider/den er
lang verhalten worden ist/als dann der hailig Lucas
anzaygt am. x. sagt Christus. Vatter/ich sag dir dāck/
das du mein glori vor den hohen vnd gewaltigen der
welt verborgen hast/vnd hast es den klaynen vnmün-
digen geoffebart. Auch im. viij. psal. Du hast dein lob
volbracht auß dē mund der kinder. Es spricht auch Jo-
hel der Prophet im. ij. Ewere Sün vn Tochter / auch

meine knecht
weyffagen/
wunder w
alten werd
Warumb
Blintheit v
sy gebleit
Christus.
auff das d
ckend zū se
dem krippe
Bischoff
dar zū/abe
weyßen/vō
vom Jud
rodes in
nent willē
die vns ha
auf der kri
sten hertzen
vertriben/
lob/in der
habē es die
net es yetz
armen her
ria in erelst
vervympt
in habend
gern die k

meine knecht vnd megde werden Prophetizieren vnd
weyffagen/auch darzü gesicht sehen. Ich würd auch
wunder würcken/in̄ h̄ymel/vñ auff erden/aber ewere
alten werde mit trömen vmbgan/vñ vō trömen sagen
Warumb neint er sy aber Trömsager? Da ist in vō irer
Blinthait wegen das recht wissen verborgen/Got hatt
sy gebleit / als er dan̄ meldet Joānis. am. ix. Spricht
Christus. Ich bin zu dem gericht in die welt k̄homen /
auff das die blindē gesehen würden/vñ die sich gedun-
ckend zu sehen/also blindt werden. Dann Christus in
dem kriplein/wolt sich den Herodes/vñnd die grossen
Bischoff mit im kriplein finden lassen / sy gefielen im mit
dar zu/aber die hierten berufft er/ vnd die Haydnische
weyssen/vō auffgang 8 sonnen/die mit seins geschlechts
vom Judischen stam̄en waren/darumb verjagt in He-
rodes in Egipten/vnd ertödtet so vil kindlein vmb sei-
nent willē. Nun lebt das selb Herodes geschlecht noch
die vns habē das wort gottes/ das rayn edel kyndlein
auff der kripp/darin̄ es lygen solt/das ist / in aller Chri-
sten hertzen/die es wissen vñnd haben solten/lange zeit
vertriben/vñ in Egiptū verjagt. Es ist aber/Got hab
lob/in der höhe/schon wider auff Egipten k̄omen/vñ
habē es die hierten schon wider funden/bey denen wo-
net es yetz/vñdter den schlechten dechern / zum tayl in
armen hewfern/da singen die glawbigen hertzen. Glo-
ria in exelsis deo. So aber Herodes geschlecht yetzund
vernympt/das es die hertten wider funden / vnd bey
in habend. So ist jamer vñ not worden/so wöltent sy
gern die kindlein die Christo Jesu gleych sehend/ mit

sampt den armen hirtē des feldts/das seind die arbay
ter die des kindleins Jesu glori auß ruffend/alle erwür
gen vñ ertöden/vnd das kindlein Jesu wider in Egy
pten verjagen. Es wirt aber nit geschē. Das kindlein
will nit mer von den seinen wandern/dañ die in ange
nommen habend/oder in noch annemen wöllend/den
hatt er gewalt geben/kinder gottes zūwerdē. Ioan. j.
Ach es ist den Herodianischē nur vmb die gab zūthūn/
die dem kindlein vō den weysen von Orient gepracht/
vnd geben wordē/vnd für das triplein getragen/da ist
gold bey/das seind sy innen worden. Ach got/sy wū
tendt nur nach dem selben gold/sy fragten sonnst dem
kindlein/vnd den hirtten nit nach/dann sy berüment
sich sunst/alles Patrimoniū Christi gehōr inen zū. So
vermayndt Christus Jesus/alle die in angenommen ha
bend/vñ die in in geglaubt/vñ in nachfolgen wöllend/
auch die in gespeiset/beherbergt/beklaydt habend/wie
Matth. xxv. Auch wie oben in Joanni gemelt/den sel
bigen hab er gewalt gebē/kinder gottes/vñ seine erben
zūwerden/vnd nit denen/die wider in seind. Nun wel
cher will Richter da sein/fürwar die geschrifft des hay
ligen gaystes/was sagt die selbig: das wōln wir hōrē
vñ wōllē jr nachfolgen. Am ersten wōln wir dē spruch
Ioan. j. für an lassen ziehen. Welche inn seinen namen
glawben/wie obgemelt zē. Mer spricht Christus Jo.
r. Ich bin die thür/vñ durch mich müßt jr zū dē vatter
eingeen/vnd welcher ain andere thür sücht/der ist ayn
diep vñ ain mōrder. Er spricht auch. Die meinen kēnen
mich/vñ ich erkenne sy. Er spricht auch Ioan. viij. Ich

bin dz liech
delt nit in d
weg/das
vatter/da
Es ist ka
werden k
hab wir a
schwester
nachfolg
nend gan
schreiben/
Christen
fang/gan
Christu für
herge/vō
mit allen
wan es n
euch Clo
glawb ich
steln Luth
die Prophe
be schwes
mit ewern
selig möge
vō herzen
schreibē/es
die liebe ge
mōchtest r
denen/die

Bin dz liecht der welt/vñ wer mir nachfolget/ der wandelt mit in der finsternuß zc. Mer/ Joan. xiiij. Ich bin d'weg/ das leben/vñ die warhait/ Niemand kumpt zum vatter/ dan durch mich. Mer habē wir in Actibus. iij. Es ist kein nam dem menschen geben/ dar in wir sällig werden könnend/ dan der nam des herren Jesu. Nun hab wir also an gütten Sentēz/ auff solchs mein liebe Schwester magstu wol verstan/ wañ wir diser geschrift nachfolgend/ das wir den rechten weg/ vnd nit irr könnend gan/ darumb magstu wol mercken nach deynem schreiben/ das ich vnd mein man/ vñ sunst vil frummer Christen auch in solcher gestalt deines schreibes im anfang/ gantz auff deiner maynüg seind/ wañ du anders Christū für alle ding im hymel vñ auff erdē/ vō gāzem hertze/ vō allen kresten lieb hast. Nun weist vns Paul. mit allen Aposteln auch auff dysen Jesum Christū/ vñ wañ es nit ain rechte leer vñ vñdweisung ist/ vñ soll vō euch Closterlewte falsch bekānt vñ geurtailt werdē/ so glawb ich/ das Christus selbs mit Paulo/ vñ allē Aposteln Lutherisch seind/ dan es ist als ain leer. So seind die Propheten gantz auch dyser maynung. Darūb liebe Schwester/ waistu oder dein Irzige frau die Priorin mit ewerm Conuēt ain bessere mainüg/ dar durch wir selig mögen werdē/ so zayg vns die an/ da bitt ich dich vō hertzen vmb. Du vermaynst auch dabey in deinem schreibē/ es sey ain ellend leben yetzt in der welt/ vnd sey die liebe gottes gar erloschē in der menschen hertze. Du möchtest warlich zum tayl erraten haben / besonder in denen/ die das haylig Euāgelion gern wölten felschen.

B

vnd vndertrucken/vñ das aynfeltig volck Christi auf
menschē geticht vom wort gottes führen/vō des verdä-
pten geitz wegen/wie Paul. zū Timo. iij. Das du aber
weiter schreibst/die gebot gotes seyen vor etlichen jarē
bas gehaltenē wordē/dañ yetzunder/wais ich dir nit gar
zūuerantworten/dañ ich hab der menschē handlūg nit
so vil wissens/ich bin nit ain erfärer d hertze/ wie Pau.
ij. Corint. j. sagt. Aber das die .x. gepot/die vns got ge-
ben hat/in jren artickeln inhaltend/das wissen wir frey-
lich alle der merer tayl / wo hyn vns die selbigen wey-
send/es sey Mūnch/Munnen/Cardinal/Brōbst/Ēbt/
oder Ēptissin zūwerden / auch kutton/platten/eyffeln/
menttel/oder hūt zūtragen/oder flaisch/ayer/kef/fisch/
milch/oder linsen zūessen/ oder on ayn man/ oder mit
ain man zūsein/ da kan ich in dysen artickeln des gan-
zen gebots/nit ain wort finden/hör auch kainen/der es
anzeigen kan/dañ allain ist söllichs vō menschē geticht
auffkommen/das besteet auch Paul. starck an vil ortern/
besonder von ersten zū den Colo. am. ij. Last euch nie-
mands ewer gewissen verwerren/besonder vber speis/
tranck/tag/fest/Neumonat/oder Sabath/ oder dis/
oder ihens nit anzürürn/ auch das oder dis zūtragen/
vnd anzulegen/welchs alles ist ain schatt der zükünfft-
tigung. Paul. spricht auch zun Galla. v. Besteet in der
freyhait/die jr von got habt / last euch nit verknüpfen
in das knechtisch joch/dañ wo jr euch vermaynt zū bes-
schneiden lassen/dardurch jr selig vermaynt zūwerdē /
so ist euch Christus kayn nütz/ dan in Christo gilt wed
beschneidūg noch vorhawt/sond die liebe die durch dē

glawbēthe
Closterlex
cken herfür
er allentha
euch das
Ich bin P
ich bin Ze
in stuck g
oder sein
Christo a
kain secte
ben jr Clo
hailiger se
Mererbr
schweyner
zwar nie
wachsen
Bunden se
frey gelass
andern vo
schwarz/
kain gelt
dritt rūt
men vō se
den/daf
am. rriij.
Christus
auffwerf
sind büt

glawbē thättig ist. Da redt Paul. vō den wercken der
Closterlewte/vñ andern Apostützlern/die mit iren wer-
cken herfür ziehend/vñ die auffnutzent/die verwürfft
er allenthalb/als er dan̄ mer meldet. j. Corin. j. Ich sag
euch das vnder euch auffkōmen ist/das ainer spricht.
Ich bin Paulisch/der ander/ich bin Appollisch/der. iij
ich bin Zephisch/der. iij. ist Christisch/wie ist Christus
in stuck getaylt? Ist dan̄ Paulus für euch gekreuziget/
oder seind jr in Paulus namē getaufft? Meint euch nach
Christo allayn. Paul. spricht auch. Hütet euch/macht
kein secten. Wie vil secten maynstu liebe Schwester ha-
ben jr Closterlewte vnder euch/ vnd wie vil ye ain sect
hailiger sey dan̄ die ander. Franciscer/Minderbrüder/
Merebrüder/ettlich auffholtschüchē/die andern auff
schweynen schühen/Die dritten auffstelzen. Ich hab
zwar nie gehört/das auffdürrem holtz gütte frucht ge-
wachsen sey/wiewol sy mit stricken in der mitten ge-
bunden seind. Diser orden ist Reformiert/der ander ist
frey gelassen. Die seind von der Regel des vatters/die
andern von dyser Regel des andern vatters. Der tregt
schwarz/der ander weys/der dritt Welfarb. Der rürt
kein gelt an/der ander rürt kein pflug in̄ feld an/der
dritt rürt auff der gassen kein strawē an. Auch ist der na-
men vō so vil vätter vñ mütter vnder euch in ewern ör-
den/das niemand ersynnen kan̄. Waistu was Matth.
am. xxiij. sagt. Macht euch kayneu mayster/dan̄ allain
Christus ist ewer maister. Auch sölt jr euch kein vatter
auffwerffen/dan̄ got allain ist ewer vatter/dan̄ jr alle
seind Brüder aufferden. Spricht doch Paulus zu den

Ephe. iij. Ich erman euch in dem herze Jesu Christo / wandlent / wie sich gepürt / seind fleissig zühaltē die ainigkait des gaissts / in dē band des frids / alle ain leip vñ ain gayst / wie jr berüfft seind auff ainerlay hoffnung vnd gestalt. Wir haben ain herze / ain glawbē / ain tauff ain got vnd vatter / der da ist vber vns allen / vñ in vns allen zc. Nun schaw darauff liebe Schwester / wo zertailt vns Paulus hie / wo gibt er aynem den ordē / oder die Regel. Wen man dan vō ewerm verwenten gebet / singen vnd lesen sagen soll / so hastu an manchen orten da Christus das gebet anzeücht / Besonder von ersten Matth. xxiij. Wee euch gleisnern / schriftgelerten / Pharisern / vnd heüchlern / die jr der witwen hewser stesset vñ in ain schein langer gebet die wendt jr sūt / darumb werdent jr dester meer verdammus empfahen. Besich darnach weytter Matthe. vj. Wen du bettest / soltu nit handlen wie die heüchler / die da steen vñ bettent in den Schülen der versamlüg / vñ an den ecken auff den gasfen / auff das sy vō den lewte geschē vñ gehört werden / warlich sy empfahen jren lon hie. Wan du aber betten wilt / so gang in dein kernerlein / vñ schleüß die thür nach dir zū / vnd bett dein vatter verborgen an. Jr sölt auch nit vil wort in ewerm gebet machen / wie die Hayden / jr werdent sunst mit vngegründtem gebett da der verstandt nit bey ist / nit erhört / Besond macht wenig wort vñ tieff gedäcken. Ewer vatter waißt wol / was jr notturfftig seind / ee jr in bittēt. Darüb solt jr in also anbetē Vatter vnser / der du bist in den hymmeln / gehayliget werd dein name / zūthun vns dein reych zc. vnd also

für auf le
verstan t
pitel Jo
sto bey m
dem bey
Tepel se
Christu
berge / m
jr wissen
anbeten
hait. U
bett vñ
witt / v
che abge
mit der
fressend
vnd len
gezoge
vñ lewt
gegen dē
erde in
zartlich
am. xxi
hört / w
bett sein
ligen kla
geschra
das me
jr. Der

für auß leret er vns verstendiglich betten/das wir wol
verstan können. Wen wir dan für vns nemen dz Cas
pitel Ioan. iiii. da das Samaritanisch weib zu Chri
sto bey dem brunnen sprach. Unser vätter haben got auff
dem berge angebet/so sagen jr Juden/zü Jerusalez in
Tempel sey die statt/da man got anbeten soll. Do sprach
Christus. Es kumpt die zeit/das man weder auff dem
berge/nach in dem Tempel gott anbeten wirdt / dann
jr wissend mit was jr anbettent. Aber die warhafftigen
anbetter/werden Got anbeten in gait/ vñ in der war
hait. Nun schaw auf liebe Schwester/wie dz Closter ge
bett vñ gesang/vñ ewre verwenner andacht hie besteen
wirt/vñ besond so Christus euch alle verwenne gaitli
che abgesonderte menschen mit langem gebet also hert
mit der verdammus anzeucht/die der wittwen hewser
fressend/das ist der groß geytz/mit gelt vnd güt/landt
vnd lewt/so menigklich in solchē falschē scheyn an sich
gezogē/vñ noch an sich zeucht/dar bei schier alles land
vñ lewt neben euch verben müß/durch ewer herttigkeit
gegen dē armē/die es mit den negeln herttigklich auß d
erdē in schwaif krazē müßend / damit jr ewre wamst
zartlich erhalten mögt. Liebe Schwester liß Mattheum
am. xxiij. wol/darnach weytter am. vj. Hastu wol ge
hört/wie still in gehaym on gesicht der menschen dz ge
bett sein soll/so machend jr so vil scheins mit ewern hai
ligen klaydungen/auch so vil lauts gebets/vnnd groß
geschrayß in ewern schülen vñ versamlügen der Tempel
das menigklich soll hören/das niemāt hayliger sey dan
jr. Der herz spricht. Gang in dein kâmerlin zc. Spricht
C

auch. Ewer gebet ist vnfruchtbar vñ vngegründt wie
der Hayden gebett/on verstandt/das kayn rechter ges
danck da sein wirt. Er spricht darnach durch Joannē
Ir wissend nit was ir anbetet/ dan da ist weder gayst
noch warhait. Warumb meldet es der Herz also hertz
tiglich? Darumb/dan es ist nichts dan ain schein/vñ
ain gesicht vor den mensche/vnd ayn betrachtung auff
geyzigkayt des gūts/vnd ain vnwissens ding in ver
standt. Sag mir liebe Schwester/ wie vil findestu Clo
sterfrawen/Annnen/vñ vil vngelert pfaffen vñ münch
die nit Latein kōnend / die auch nit verstandt / weder
Ewāgelia/Epistolas/die Prophetē/ die Psalmen/vñ
nichts das in dē dienst gottes zū wissen not ist/die auch
ainem in der nōt nit diew Capitel wūsten auß der Bi
bel an zūzaigen/dan ain tayl mit falsch vñ vnwarhait
auff jren geysack. Wie vil versteestu liebe Schwester
mit deinen Chorschwestern/auf ewerm singen vnd les
sen in Latein? Sprich/warlich nit vil/gleich wie des
mūlners Esel. Sag mir/wo ist da dein wissen? wa ist
dein verstandt? wo ist da der gaist/vnd die warhait?
wie kan da ain rechte betrachtung in Begeren zū Gott
sein/dan wie jrs in der tägliche vbung habt/also treibt
jrs da hyn/es ist schon richtig. Hüß/der nechst beim zil
habs gewonnen. Du hast mir in anfang mit dē new
gebomen kindlein dein arms gebet auch zūgewünscht/
Ja freylich ist es ain arms gebet / steckt gleich so voller
andacht/wie auß ainer Sackpfeiffen geet/da weder d
verstandt noch der gaist ist/also/das wir laider alle zū
Got auff schreyen. Herz verleyhe vns gnad/das es ges

Bessert wer
Betrachtet
sten mens
dung/vñ
gar nit
so war n
Betrach
ersten m
nugsam
die. ij. B
das zū d
eintrette
in selbs
tig/lester
selbs/ da
wandel
gen sein
ger vnke
sy wider
Matth.
die da k
aber sein
jr sy erke
theus. r
verwür
mer das
scheyn v
dan sy n
wollen

Bessert werde. Dann wann jr Closterlewt von hertzen
betrachteten/das ewre absonderung vō andern Chri-
sten menschen mit ewern menschen erfindūgen der klai-
dung/vñ andern anhang/so gar kein grund hat/vnd
gar nit in der hailigen geschriff angezaigt mag werdē/
so wār nit wunder/das euch ewer hertzen erzittertend.
Betrachtend nur/was die geschriff vō euch sagt. Vō
ersten mit den Secten/wie Paulus verberwt/hastu ge-
nugsam gehört. Zum andern schreibt Paul. zū Timo.
die. ij. Epist. am. iij. cap. Das soltu wissen lieber Sun
das zū den letsten tagen werdē grewliche versürungen
eintretten/dan es werdē mensche auff thōmen/die von
jn selbs vil halten werdē/besonder zū sein stolz/hoffer-
tig/lesterer/stürmisch/auffgeblasen/die mer lieben sich
selbs/dann Got. Die haben ain gebär aines götlichen
wandels/aber irer krafft verleügnen sy. Auß den selbis-
gen seind die/die hewser durch lauffend/mit vngütti-
ger vnkeüscher gestalt/von dysen wende dich ab/dann
sy widersteent der warhait. zc. Was haben wir dann
Matth. vij. Sehend euch für vñ hütent euch vor den
die da thōmen werden in schaffs klaidern/inwendig
aber seind sy grym reissend wölffe. An jrē fruchtē werd
jr sy erkenen. Was seind dise fruchtē? Dar vō sagt Mat-
theus. xxiij. in den acht Ween/die der herz hart daselbst
verwürfft/da findestu die argen frucht. Er spricht auch
mer daselbst. Alle ire werck die thūn sy im gaystlichem
scheyn vor den lewten/das sy gesehen wöllen werden/
dan sy machen groß gaystliche säwm an ire klaiden/vñ
wöllen vō den menschen Rabi geneit sein/groß Titel/

vnd gaisstlich namen habē zc. Es gedenckt auch kainer
an das Capit. Luc. xxi. do der herz sprach. Die Fürstē
der welt wöllen gnad herin genaht sein/ aber vnd euch
solles nit also sein. Welcher vnder euch der mayst ist /
der soll als der jüngst der andern aller diener sein. Die
grossen Bertimend sich gar hoch / sy seyend nachfolger
oder Stathalter Petri/ dar in sy den felsē Christi auf
werffent. Sy gedēcken aber nit darbey / das Christus
zū den Juden sprach. Seind jr kinder Abrae/ so thūnd
auch die werck Abrahe. Joan. viij. Sy folgent auch
leer Petri nit/ des ampt sy sich Bertimend/ der spricht in
der. j. Epist. ca. v. Fürēd die hārd gottes/ die euch vn
der geben ist/ fürsehēd sy/ nit bezwungenlich/ aber wil
liglich nach got/ nit vmb willē ayns schōdē gewinns.
Liebe Schwester/ der anzaygung der bösen mispreüch
vnd handlung ist gnug vor augen. Lis die Propheten/
Hieremiam/ Esaiam/ Malachiā/ Josue/ Danielem zc
So wūrstu des grundts mit sampt dem newen Testa
ment gar Bericht. Ich wayß wol/ das es euch die da
gaisstlich vermaynt zū sein/ zorn thūt/ das wir layen die
hailige geschriff also durchlesend/ vñ aller warhait in
nen werdēt/ jr wöltens gern wider von vns abreißen/
nayn es wirt nit geschehen/ got wils also haben / dann
Joan. vj. spricht. Sy werden alle vō got gelert. Johel
ij. Ich will zū der letzten zeyt meinen gayst senden auff
alles flaisch der erden/ vnd ewere Sün vñd Töchter
werdē Prophetizieren vñ weyßsagen/ meyne knecht vñ
megde werdē gesicht sehen/ vñ weyßsagen/ vnd den al
ten werden tröm trömen/ darnon werdē sy sagen/ vnd

darmit vn
mir/ Die r
yetz gar v
men/ das
vns auch
Liebe sch
mer/ dan
zwayen
im Oster
herzen v
schriffte
auch ant
lige gesch
achten. D
gefürt/ v
Got wil
die gesch
er spricht
schen an
so wöllen
Exodi. x
Nicht sö
nuf/ die g
der im h
nit ere od
allain de
niemand
Gesetz de
herzen/v

Darmit vmbgan. Weytter liebe Schwester schreibst du
mir/ Die mütter Gots/ vnd die lieben hayligen werde
yetz gar veracht vnd vernicht/vñ es werd die zeyt k̄h̄
men/das so wir jr notturstig werden sein/so werde sy
vns auch verschmähen vñ verlassen in vnsern nōtten.
Liebe Schwester/wer veracht got vñ seine liebe hayligē
mer/dañ jr Closterlewt. Waistu was Christus zū den
zwayen Jungern sprach/mit den er gen Emaus gieng
im̄ Osterlichen fest. O jr vnwissenden/vñ ains klainen
herzen vñ schwachē glawbens/ wist jr nit was die ges
schriffte euch fürhelt vñd anzaigt zc. Also mag ich dir
auch antworten/dañ wilt du vñ deines gleichē die hay
lige geschriffte nit annemen/so wōln wir aber sy nit ver
achten. Dan̄ Christus hatt vns vberall in die geschriffte
gefürt/vñ vns geboten/dar bei zūbleiben/das wirt ob
Got will für̄ohyn geschehen. Lys̄ Ioan. v. Erfarend
die geschriffte/die wirt allain zeügnus vō mir gebē/dañ
er spricht daselbst. Ich nym̄ kein̄ gezeügnus vō den mē
schen an. So wir dan̄ der geschriffte glawben sōllend/
so wōllen wir besehen/was die selbig sag. Gott spricht
Exodi. xx. Gedēck̄ Israhel/das ich allain bin dein got
Nicht sōltestu dir fürchten/mach dir auch kein̄ gleych
nus/die gar niemands gleich ist/zū lieben für mich/ we
der im̄ hymel/noch auff der erden/vnd in den wassern
nit ere oder anbede gar niemands für mich/ dan̄ ich bin
allain dein got/vñ ain eyfferder liebhaber/vñ will gar
niemandts neben mir geliebt haben zc. So hast du ist
Gesetz des gantzen gebot gots. Hab got lieb vō ganzē
herzen/von ganzer seel/von ganzen krefften. zc. Das

hertz/die seel/die kressste/soll jr kayns zertailt sein/es soll
in ainer krafft/in aym wesen bleyben/vñ nur in aynem
got/in ainem garten gewurtzelt sein/ als wir haben im
glawben. Ich glawb in ainen got vatter. Warüb sagt
er in ainen Got/ wir haben ye nit mer/dañ ainen Got.
Liebe schwester bedencf dich wol in dysem stuck. Got
hat vns an vil ortten fürgehalten/das zü den letsten zei
ten wir arme sündler werden vil götter/vnd vil bilder/
vnd gestalt der erschaffnen menschen für vns nemen zü
eren/vñ in vnsern nötten anzürüssen/ das ist wider die
mütter gottes/vnd wider die hailigen. Dan wir habē
Joā. ij. Da die mütter des herre sprach zü den dienern
der hochzeyt: Chana Galilee. Geent hynzū im/vnd
was er euch haist/das thündt. Da weist sy vns alle al
lain auff Christū/das haben auch alle Aposteln/vñ alle
hayligen in jren leren gethan. Spricht dann nit auch
Maria in jrem lobgesang. Er hatt mir grosse ding ge
than/er hat mich mit gnadē angesehen/er hat die hun
gerigē mit gütern erfüllt zc. Spricht sy/er hats gethan
er thüts/er wils thün. So spricht Christus Matth. xj.
Khömēt zü mir alle die so beschwert seind in arbayt/
ich will euch erquicken. So haben wir Esai. xliij. Ich
bins/ich allain bin der/der euch helfen kann/ vñd on
mich ist kainer/vnd allain vmb meinet willen thü ichs.
Wiltu weytter bericht sein/ so findstu die geschriffte vol
Num schaw yetz du/wer die mütter gottes/vñ die hai
ligen veracht. Sy Begerend vnd weysend allayn auff
Got/vnd haben alle jre strowd/jr hymilisch anschawē/
jr seligkayt in Got/das haben sy vns in allen schrifften

geleit/vm
steln also
ben die M
woonet/v
ben sy vñ
len bitten
ferin züse
leret vns
mütter/c
an verm
Ist dif n
lang im
dan la
Clos
Bef
g

geleret/vnnd also zaygen vns alle Propheten/alle Apos-
steln also klärlich söllichs in der geschrifft an. Nun has-
ben die Aposteln bey Maria der mütter gotß auch ges-
wonet/vñ sy erkennen in irdischem wesen. Warüß has-
ben sy vns nit fürgehalten vñ gelernet / das wir sy söls-
len bitten/vnd an sy Begeren/vnser Fürbitterin vñ helf-
ferin zü sein/gegen irem Sun Christo. Oder warumb
leret vns nit Christus/vñ spricht zü vns. Bittent mein
mütter/oder Petrum/oder Paulum/das sy mich dar-
an vermanen/euch zühelffen/damit ich es nit vergesse.
Ist dis nit anzaygens vnnd verstands guüg/das wir
lang inn blinder irigkait vmb gegriffen haben / als
dañ layder vō vns allen/vnd besonder von euch
Closterlewte in ewerm hoffertigen gaist noch
Beschicht. Got erleucht/vnd verleyhe vns
gnad/seinen göttlichen willen in seinem
hayligen wort zü erkennen / das be-
gere ich/vnd bitt Got den herren/
dir / auch deynes Wierdigen
Frawē der Priorin / vnd
dem gannzen Con-
uent züuerleyhē.
Amen.

An. Ad. D. XXiiij.

Faint, illegible text, likely bleed-through from the reverse side of the page.

III. DE. AD. IIS

Zu
Lebe
ser bossh
zwischen
welliche
erwecken
den / Her
vnser lie
zu zessen
und ey
Auch v
selben
fin